



2010 йил — Баркамол авлод йили

ФАРЗАНД — ДИЛГА ПАЙВАНД

Одобли, ақлли, билимдон, меҳнатсевар фарзанд нафақат отанининг, балки бутун жамиятнинг катта бойлигидир. Болаларнинг тарбиясида, кундалик ҳаётида ўйинчоқларнинг ўрни бениҳоя катта.

Ўсиб келаётган ёш авлод тевақар-атрофни ўзи ўйнаётган ўйинчоқлар орқали англайди. Шу ўйинчоқ қаҳрамонларига ўхшашга интилади ва албатта тақлид қилади. Турли ўйинчоқлар болалар онгига турлича таъсир қилади. Ҳатто синглан ўйинчоқларни болаларга бериб бўлмас экан.

Бугунги кун болаларини кузатганимизда, улар жуда кизиқувчан, тақлид қилишга мойил эканлигининг гувоҳи бўламиз. Демак, болажонларимиз ўйинчоқлардан биз ўйлаганимиздан ҳам кўпроқ нарсаларни ўрганишлари мумкин. Кўпинча ота-оналар фарзандларининг ўзи билан ўзини банд қилиш мақсадида турли ўйинчоқларни олиб берадилар.

Маълумки, ота-оналар ўз болажонларига 5-6 ойлигидан бошлаб турли ҳажмадаги кубикларни олиб беришади. Мутахассисларнинг фикрича, бу болаларнинг

ақлий қобилиятларини ўстираётган экан.

Ўйинчоқ олишда ҳам бир мақсад бўлади. Шу сабабли ўйинчоқ харид қилаётганимизда бу болажонимнинг дунёқарашига, тарбиясига қандай таъсир қилади, деган саволга жавоб олган ҳолда ўйинчоқларни харид қилишимиз керак.

Мактабгача таълим муассасаси деганимизда, аввало ўйинчоқларга тўла маскан кўз ўнгимизда гавдаланади. Ўйинчоқларни танлашда улар бола ёшига мос, турли-туман ҳамда болаларни ўзига жалб қила оладиган бўлиши, ақлий, жисмоний, руҳий ҳамда маънавий жиҳатдан шаклланишларига ижобий таъсир кўрсатиши ва экологик соф бўлиши лозим.

Юқоридагиларни инобатга олган ҳолда жамоамиз болаларнинг ҳар томонлама шаклланишларига ижобий таъсир кўрсатадиган

ўйинчоқлар ўйнашлари учун ҳаракат қилмоқда. Миллий кўғирчоқларимизда орномус, ибо, ҳаё каби хислатлар мавжуд. Уларда соддалик, беғуборлик акс этиб турибди. Кўғирчоқлар ўзларининг кўйлақларининг кенглиги, дўпписининг чиройлиги, сочларининг узунлиги билан болаларни ўзига жалб этади ва ҳавас уйғотади.

Табиий нарсалардан ясаладиган кўғирчоқлар болаларнинг ижодкорлигини оширади, диққатини ўстира-

ди, хотирасини мустаҳкамлайди, жамоада бирга ўйнаш, ўз ўйинчоғини ўртоғига совға қилиш, ясаган ўйинчоғига меҳр билан қараш каби ижобий одатларни шакллантиради. Жонкуяр педагогларимиз Зухра Умарова, Умида Мирмахмудова, Махфуза Сайдалиева, Татьяна Микалюк, Марина Степанянцлар табиий мато ва буюмлардан болажонлар билан бирга турли ўйинчоқлар тайёрлайди. Ушбу ўйинчоқлар муассасамизда ташкил этилган «Асалтой»

кўғирчоқ театрини бойитиб келмоқда. Ёшлик даврида ўйналган севимли ўйинчоқ эса бола қалбида бир умр сақланиб қолади.

Дунёга ҳайрат кўзи билан боқиб, ундан ўзича маъно топишга интиладиган жажжи фарзандларимизнинг кизиқиши ва ҳиссиётларига мос кўғирчоқ ва ўйинчоқлар ишлаб чиқариш давр талаби бўлиб қолганини ҳам унутмаслигимиз керак.

МУҲТАБАР АЛИМТАЕВА,
301-мактабгача таълим муассасаси мудираси

Янги лойиҳалар

«КАМОЛОТ БОҒИ» ЯРАТИЛДИ

«Баркамол авлод йили» Давлат дастурининг ижросини таъминлаш, жисмоний ва маънавий жиҳатдан соғлом авлодни камол топтириш, ёш авлод манфаатларини таъминлаш, уларни соғлом турмуш талаблари асосида тарбиялаш ва қўллаб-қувватлаш, бўш вақтларини кўнгилли ва мазмунли ўтказиш мақсадида «Камолот» ёшлар ижтимоий ҳаракати Юнусобод туман бўлими томонидан мактаб ўқувчилари ўртасида «Қадрият, урф-одат ва ёшлар» лойиҳаси ўтказилди.

Лойиҳа доирасида ташкил этилган «Қадрият, урф-одат, анъана ва ёшлар», «Варрақлар сайли» ва «Миллий халқ ўйинлари» фестиваллари ёшлар ва барча иштирокчиларга бирдек маъқул бўлиб, улар томонидан кенг қўллаб-қувватланди.

Ҳалилар «Камолот» ёшлар ижтимоий ҳаракати Юнусобод туман бўлими Кенгаши томонидан фахрий ёрлик ва эсдалик совғалари билан тақдирландилар. Бундан ташқари, ёш авлодни ватанпарварлик руҳида тарбиялаш, баҳор мавсумида ободонлаштириш ва кўкаламзорлаштириш ишларига муносиб ҳисса қўшиш мақсадида «Камолот»нинг туман бўлими ҳудудида ҳашар йўли билан «Камолот боғи» ташкил қилинди.

Ҳашарда «Камолот» етакчилари ва «Камалак» болалар ташкилоти сардорлар кенгаши аъзолари фаол иштирок этиб, турли мевали, манзарали дарахтлар ва гул кўчатлари экишти, боғ атрофи ҳам ободонлаштирилди.

Шухрат КОМИЛОВ,
«Камолот» ЁИХ Юнусобод тумани бўлими раиси



Ўзбекистон Маданият ва санъат кўргазмалар залида Баркамол авлод йилига бағишлаб ўтказилган ҳаваскор фотосуратчиларнинг кўргазмаси доирасида «Энг изланувчан ижодкор», «Энг яхши гоё», «Энг яхши маҳорат», «Издос ижодкор», «Энг яхши экспозиция» сингари номинациялар бўйича совриндорлар аниқланиб, ташкилотчилар томонидан муносиб тақдирланди.

СУРАТЛАРДА: кўргазмадан лавҳалар.
Ҳакимжон Солиҳов олган суратлар

Мусобақалар

ҚИЗГИН КУРАШЛАРГА БОЙ

Собир Раҳимов туманидаги 10-болалар ва ўсмирлар олимпия заҳиралари спорт мактаби ўқувчилари ўртасида Болалар спортини ривожлантириш жамғармаси, халқ таълими бўлими ҳамкорлигида спорт акробатикаси бўйича мусобақалар ташкил этилди. Унда 50 нафар ўқувчи қатнашди.

23-«Мусаффо булоқ» болалар ва ўсмирлар олимпия заҳиралари спорт мактабида Болалар спортини ривожлантириш жамғармаси шаҳар филиали соврини учун 6 ёшдан 12 ёшгача қизлар ўртасида синхрон сузиш бўйича ўтказилган мусобақа ҳам юқоридаги ҳамкорлар бошчилигида уюштирилиб, унда 40 га яқин ўқувчи беллашди.

Тумандаги 100, 102, 106-маҳсус мактаб-интернатлар ўқувчилари ўртасида спортнинг шахмат-шашка, стол тенниси, мини футбол, арқон тортиш,

армрестлинг, пауэрлифтинг, эстафета турлари бўйича ўтказилган мусобақаларда 200 га яқин ўқувчи қатнашди.

Мусобақалар қизгин курашларга бой тарзда ўтгани билан барча иштирокчиларда яхши таассурот қолдирди.

Ҳалилар совриндорлар ташкилотлар томонидан диплом ва эсдалик совғалари билан тақдирланди.

РУСТАМ КАМОЛОВ,
Болалар спортини ривожлантириш жамғармаси Собир Раҳимов тумани бош мутахассиси

ҲАНГОМАЛАР

Москвада гастролга келган бир труппа «Тарас Бульба»ни намойиш этаётганди.

Тарас ўз ўғлини ўлдирадиган саҳнада Бульба ролини ўйнаётган актёр елкасидаги нимагадир илашиб қолган милтигини ололмай анча овора бўлади. «Шошма, Андрей, мен ҳозир сени ўлдирман» дея мингирлаб, аранг милтигини олади. Кейин Бульба «Сени ўзим дунёга келтирганман, ўзим ўлдирман» дея милтиқ тепкисини босади. Аммо милтиқ отилмайди. Актёр бир неча марта хуноб бўлиб тепкинни босади, барибир отилмайди.

Шунда томошабинлардан бири актёрга раҳми келиб, милтиқ отилганига ишора тарзида таёқ билан полга тарақлатиб бир уради. Аммо бу лаҳзада Бульба ўғлининг бошини қилич билан кесиб бўлганди.

Машҳур артист ва режиссёр Н. Милославский Шиллернинг «Қароқчилар» трагедиясидаги ўлим тўшағида ётган Моор ролини ўйнаётган эди. Шу боис жуда паст овозда гапирётганди. Залдаги томошабинлардан бири «Баландроқ!» деб қичқирди.

Шунда Милославский бор овози билан жавоб қилади:

— Моор ўляпти, баландроқ гапиролмайди!
Шодмон ОТАБЕК тайёрлади



Бош муҳаррир
Акмал АҚРОМОВ

Манзил: 100029,
Тошкент шаҳри,
Матбуотчилар кўчаси, 32

ТЕЛЕФОНЛАР:

Эълонлар: 233-28-95,
236-57-65. факс: (371) 232-11-39.
Душанба, сешанба, чоршанба, пайшанба
ва жума кунлари чиқади.

Нашр кўрсаткичи — 563
ISSN 2010-9229

Газета Тошкент шаҳар
Матбуот ва ахборот
бошқармасида 02-1-ракам
билан рўйхатта олинган.

Ҳажми — 2 босма табоқ,
офсет усулида босилади.
3973 нусхада босилди.
Қўғоз бичими А-2

Нашрни етказиб бериш масалалари бўйича турар жойлардаги почта бўлимларига ёки «Тошкент почтамити»га — 233-74-05 телефонига мурожаат қилишингиз мумкин.

Газета «Тошкент оқшомининг» компьютер марказида терилди ва саҳифаланди.

«Шаҳр» нашриёт-матбос акциядорлик компанияси босмахонаси. Корхона манзили: Буюк Турон кўчаси, 41-уй.